



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu Memoranduma o razumijevanju između United Nations Development Programme (UNDP) i Općine Breza, a u skladu sa odredbama Protokola o međusobnoj saradnji potpisanog između United Nations Development Programme i Općine Breza, a u skladu sa instrukcijama odgovornih lica na realizaciji Projekta ILDP-a i na osnovu člana 19.Statuta Općine Breza (*Službeni glasnik općine Breza broj 08/09 – prečišćeni tekst*), Općinsko vijeće Općine Breza na sjednici održanoj 30.08.2017.godine donosi:

O D L U K U

O izmjeni Odluke o pokretanju procesa strateškog planiranja – pristupanje izradi Strategije razvoja Općine Breza

Član 1.

(Osnovne odredbe)

- (1) U skladu sa dostavljenim smjernicama i instrukcijama UNDP (United Nations Development Programme) a u vezi sa realizacijom Projekta ILDP, pristupa se izmjeni Odluke o pokretanju procesa strateškog planiranja – pristupanje izradi Strategije razvoja Općine Breza broj 01/1-02-2138/17 od 26.07.2017. godine, objavljene u Službenom glasniku Općine Breza broj 7/17.
- (2) Član 1. Odluke o pokretanju procesa strateškog planiranja – pristupanje izradi Strategije razvoja Općine Breza broj 01/1-02-2138/17 od 26.07.2017. godine mijenja se i glasi:

„Općina Breza pristupa pokretanju procesa strateškog planiranja – pristupanje izradi Strategije razvoja (Strateška platforma po MiPRO metodologiji) Općine Breza za period 2018. – 2027. godina, a skladu sa uslovima Projekta integrisanog lokalnog razvoja (Integrated Local Development Programme) koji se realizuje od strane UNDP – United Nations Development Programme u Bosni i Hercegovini.“

- (3) Član 4. stav (1), tačka b) Odluke o pokretanju procesa strateškog planiranja – pristupanje izradi Strategije razvoja Općine Breza broj 01/1-02-2138/17 od 26.07.2017. godine mijenja na način da se u istoj tački briše navod „(2017. – 2021.)“.

Član 2.

(Ostale odredbe Odluke)

- (1) Ostale odredbe Odluke o pokretanju procesa strateškog planiranja – prisuptanje izradi Strategije razvoja Općine Breza broj 01/1-02-2138/17 od 26.07.2017. godine ostaju nepromijenjene.

Član 3.

(Prelazne i završne odredbe)

- (1) Ova Odluka na snagu stupa danom objavljivanja u Službenom glasniku Općine Breza.

Broj: 01/1-02-2520/17
Breza, 30.08.2017. godine

PREDSJEDAVAJUĆI
Općinskog vijeća
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

U skladu sa odredbama člana 2. Zakona o javnim preduzećima u Federaciji Bosne i Hercegovine (*Službene novine Federacije Bosne i Hercegovine brojevi 8/05, 81/08, 22/09 i 109/12*), člana 304. stav (2) i člana 306. Zakona o privrednim društvima Federacije Bosne i Hercegovine (*Službene novine Federacije Bosne i Hercegovine broj 81/15*) i člana 81. stav (3) Zakona o veterinarstvu u Federaciji Bosne i Hercegovine (*Službene novine Federacije Bosne i Hercegovine broj 46/00*), a na osnovu člana 19. stav (1) tačka 19. Statuta Općine Breza (*Službeni glasnik općine Breza broj 08/09 – prečišćeni tekst*), Općinsko vijeće Općine Breza donosi:

ODLUKU

O usklađivanju osnivačkog akta Javnog preduzeća Veterinarska stanica d.o.o. Breza

I – Osnovne odredbe

Član 1.

(Predmet Odluke)

- (1) Ovom Odlukom Općinsko vijeće Općine Breza pristupa usklađivanju osnivačkog akta Javnog preduzeća Veterinarska stanica d.o.o. Breza (u daljem tekstu *Javno preduzeće*), upisanog kod nadležnog registarskog suda – Općinski sud u Zenici, Rješenjem broj 043-0-Reg-07-000309 od 23.04.2007. godine, sa matičnim registarskim brojem 1-6365, sa odredbama Zakona o javnim preduzećima u Federaciji Bosne i

Hercegovine (*Službene novine Federacije Bosne i Hercegovine brojevi 8/05, 81/08, 22/09 i 109/12*) i Zakona o privrednim društvima Federacije Bosne i Hercegovine (*Službene novine Federacije Bosne i Hercegovine broj 81/15*), i to podataka od značaja za pravni promet Javnog preduzeća u zemlji i inostranstvu.

II – Firma, znak i sjedište Javnog preduzeća

Član 2.

(Firma Javnog preduzeća)

- (1) Javno preduzeće će u pravnom prometu poslovati pod punim i skraćenim nazivom.
- (2) Puni naziv firme Javnog preduzeća na jezicima u službenoj upotrebi u Federaciji Bosne i Hercegovine je:

Javno preduzeće Veterinarska stanica d.o.o. Breza.

- (3) Skraćeni naziv firme je:

JP VS d.o.o. Breza.

- (4) U svom poslovanju javno preduzeće koristi firmu u punom ili skraćenom obliku, na način kako je ista definisana Statutom i upisana u sudski registar.

Član 3

(Amblem, pečat i štambilj, poslovna pisma)

- (1) Javno preduzeće ima svoj amblem, pečat i štambilj.
- (2) Amblem javnog preduzeća je okruglog oblika, u čijem centru se nalaze slova V i S, tamno plave boje, između kojih se nalazi vertikalno postavljen stilizovani simbol zmije omotane oko štapa svijetloplave boje, a u donjem dijelu amblema, uz obod kruga ispisan je natpis *JP Veterinarska stanica Breza d.o.o. Breza*, crne boje.
- (3) Javno preduzeće koristi amblem iz prethodnog stava u službenoj korespondenciji i u reklamno-propagandne svrhe.
- (4) Pečat javnog preduzeća je okruglog oblika prečnika 45 mm, u koje su otisnuti amblem iz stava (2) ovog člana, te evidencioni broj svakog primjerka pečata.
- (5) Štambilj je pravougaonog oblika, veličine 60x30 mm sa ispisanom firmom javnog preduzeća i rubrikama kako slijedi: primljeno, organizaciona jedinica, klasifikacioni znak, broj, prilog i vrijednost.
- (6) Način korištenja, upotrebe, čuvanja i uništavanja pečata i štambilja kao i njihov broj utvrđuje Statutom i pravilnikom koji donosi Direktor javnog preduzeća u skladu sa zakonom.

(7) U korespondenciji svi akti i poslovna pisma sadržavaju slijedeće:

- Punu firmu i adresu sjedišta javnog preduzeća;
- Naziv i sjedište institucije kod koje i broj pod kojim je Javno preduzeće upisano;
- Broj računa sa nazivom i sjedištem finansijske organizacije kod koje javno preduzeće ima otvoren transakcijski račun, ukoliko javno preduzeće ima više računa za svaki od njih;
- Porezni identifikacioni broj javnog preduzeća.

III – Djelatnost Javnog preduzeća

Član 4.

(Osnovna djelatnost Javnog preduzeća, djelokrug rada)

(1) Djelatnost javnog preduzeća utvrđuje se kako slijedi:

75.00 Veterinarske djelatnosti (Klasifikacija djelatnosti BiH iz 2010. godine)

01.62 Pomoćne djelatnosti za uzgoj životinja (Klasifikacija djelatnosti BiH iz 2010. godine)

(2) Veterinarske djelatnosti podrazumijevaju slijedeće:

- Programiranje i provođenje zdravstvene zaštite životinja u zaraznim bolestima (sprečavanje, kliničko i patološko anatomsko utvrđivanje, dijagnostika ispitivanja, suzbijanja i liječenja i iskorjenjivanja zaraznih bolesti),
- Preventiva cijepljenja,
- Otkrivanje, sprečavanje i suzbijanje zaraze u životinja, anatomsku, parazitološku i osnovnu mikrobiološku dijagnostiku,
- Provođenje zdravstvene zaštite životinja od drugih zaraznih bolesti,
- Liječenje oboljelih životinja te obavljanje hirurških i drugih medicinskih zahtjeva na njima,
- Praćenje i registrovanje pojave kretanja zaraznih bolesti koje se sprečavaju i suzbijaju po zakonu i o tome izvještavanje općinskih organa uprave nadležnih za poslove veterinarstva,
- Briga o zdravlju životinja za rasplod i pravilnom razmnožavanju,
- Provođenje veterinarsko-sanitarnih mjera za zaštitu i poboljšanje čovjekove okoline,
- Obavljanje dezinfekcije i deratizacije,
- Obavljanje zakonom određenih veterinarsko-sanitarnih pregleda,
- Izdavanje svjedodžbi o zdravstvenom stanju životinja, zdravstvenoj ispravnosti namirnica i veterinarsko-sanitarnoj ispravnosti otpadaka životinjskog porijekla, sjemena za umjetno osjemenjavanje i embrija, sirovina životinjskog porijekla koje služe za proizvodnju stočne hrane, certifikata u skladu sa međunarodnim konvencijama i druge potvrde kad je to zakonom određeno,

- Vršenje laboratorijskog ispitivanja namirnica animalnog porijekla i vode,
- Provođenje veterinarskog prosvječivanja,
- Obavljanje i drugih poslova određenih Zakonom.

(3) Pomoćne djelatnosti za uzgoj životinja podrazumijevaju slijedeće:

- Umjetno osjemenjivanje uz naplatu ili na temelju ugovora, kontrola stada, opsluživanje krda, pripust stoke, kopuniranje peradi, čišćenje peradarnika i drugo, i
- Unapređenje priplodivanja, prirasta i dobivanja proizvoda životinjskog porijekla.

(4) U obavljanju registrovanih i djelatnosti od javnog značaja, javno preduzeće dužno je preduzeti sve mjere i radnje radi osiguravanja ispunjavanja zakonom predviđenih uslova, shodno odredbama Zakona o javnim preduzećim u Federaciji Bosne i Hercegovine.

IV – Osnovni kapital Javnog preduzeća

Član 5.

(Vlasništvo i visina kapitala)

- (1) Javno preduzeće Veterinarska stanica d.o.o. Breza je javno preduzeće sa cjelokupnim osnivačkim kapitalom osnivača - kapital u svojini Općine Breza, organizovano kao društvo sa ograničenom odgovornošću u skladu sa Zakonom o privrednim društvima Federacije Bosne i Hercegovine (*Službene novine Federacije Bosne i Hercegovine broj 81/15*).
- (2) Osnovni kapital Javnog preduzeća, prema bilansu stanja na dan 31.12.2016. godine iznosi:

U stvarima (veterinarska oprema, namještaj, terensko vozilo marke Lada-niva u vrijednosti od 16.457,44 KM (slovima: šesnaesthiljadačetristopedesetsedam i 44/100 KM), i

U novcu 2.000,00 KM (slovima: dvijehiljade i 00/100 KM) .

Knjigovodstvena vrijednost stvari je amortizovana ali su još uvijek u upotrebi, i ista se trebaju uskladiti sa tržišnom vrijednosti prije upisa javnog preduzeća u sudski registar.

- (3) Ukupni osnovni kapital Javnog preduzeća iznosi:
18.457,44 KM(slovima: osamnaesthiljadačetristopedesetsedam i 44/100 KM)

V – Međusobni odnosi između Osnivača i Javnog preduzeća

Član 6.

(Prava i obaveze Osnivača i Javnog preduzeća)

- (1) Osnivač i Javno preduzeće će preduzimati mjere i aktivnosti s ciljem osiguravanja uslova za kvalitetno, blagovremeno i efikasno obavljanje usluga iz djelatnosti Javnog preduzeća na području Općine Breza, u skladu sa članom 4. ove Odluke.

- (2) Javno preduzeće dužno je sa povjerenom imovinom u vlasništvu Osnivača postupati sa pažnjom dobrog privrednika, u skladu sa zakonom i općim aktima Javnog preduzeća.
- (3) Javno preduzeće će predlagati i izrađivati planove i programe razvoja u skladu sa razvojnim planovima i strategijom razvoja Općine.

VI – Finansiranje Javnog preduzeća

Član 7.

(Izvori finansiranja)

- (1) Finansiranje rada i obavljanja djelatnosti Javnog preduzeća iz člana 4. ove Odluke vršit će se iz slijedećih izvora:
 - Naknade za izvršene veterinarske usluge,
 - Naknade za izvršene usluge lijekovima i medikamentima,
 - Higijenske usluge,
 - Usluge prevoza vozilima veterinarske stanice,
 - Izdavanja uvjerenja o zdravstvenom stanju životinja,
 - Naknade za izvršeni veterinarsko-sanitarni nadzor nad stokom za klanje, pregled mesa za javnu upotrebu, kao i nadzor nad prometom pošiljaka životinjskog porijekla koje se otpremaju u unutrašnjem prometu.
 - Druge naknade utvrđene zakonom, statutom u okviru registrovane djelatnosti.

VII – Upravljanje Javnim preduzećem

Član 8.

(Organi upravljanja)

- (1) Javno preduzeće ima slijedeće organe upravljanja:
 - Skupština javnog preduzeća,
 - Nadzorni odbor,
 - Direktor javnog preduzeća, kao organi upravljanja i
 - Odbor za reviziju

Član 9.

(Skupština)

- (1) Skupština javnog preduzeća je najviši organ javnog preduzeća.
- (2) Skupština Društva se, u pravilu, održava u Brezi, u pravilu u sjedištu javnog preduzeća.
- (3) Predsjednik i članovi Nadzornog odbora i Direktor javnog preduzeća obavezno prisustvuju Skupštini bez prava odlučivanja.

- (4) Funkciju Skupštine javnog preduzeća, putem punomoćnika, vrši Osnivač.
- (5) Skupštinom predsjedava punomoćnik osnivača.
- (6) Osnivač imenuje punomoćnika na temelju pisane punomoći koju potpisuje Općinski načelnik.
- (7) Prilikom odlučivanja na Skupštini, punomoćnik Osnivača mora dobiti prethodnu pisanu saglasnost Osnivača, te uputu o glasanju o slijedećim pitanjima:
 - a. Godišnji obračun,
 - b. Raspodjela dobiti,
 - c. Pokriće gubitka,
 - d. Dugoročni plan razvoja,
 - e. Imenovanju i razrješavanju članova Nadzornog odbora,
 - f. O drugim pitanjima koja to posebnom odlukom zatraži Osnivač.

Član 10.

(Nadležnosti Skupštine)

- (1) Skupština javnog preduzeća:
 - 1. Odlučuje o povećanju i smanjenju osnovnog kapitala,
 - 2. Odlučuje o usvajanju godišnjeg izvještaja javnog preduzeća, godišnjeg obračuna, koji uključuje finansijski izvještaj i izvještaje revizora i Nadzornog odbora,
 - 3. Odlučuje o raspodjeli dobiti na obrazloženi prijedlog Nadzornog odbora,
 - 4. Odlučuje o načinu pokrića gubitka,
 - 5. Donosi Statut, kao i izmjene i dopune odredaba Statuta, saglasno Zakonu,
 - 6. Donosi Etički kodeks na prijedlog Nadzornog odbora,
 - 7. Odlučuje o spajanju sa drugim društvima i pripajanju drugih društava javnom preduzeću ili pripajanju javnog preduzeća drugom društvu,
 - 8. Odlučuje o promjeni oblika i podjeli javnog preduzeća,
 - 9. Odlučuje o prestanku javnog preduzeća sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije,
 - 10. Odlučuje o kupovini, prodaji, zamjena, uzimanju kredita i drugim transakcijama imovinom, direktno ili posredno, u toku poslovne godine, u obimu većem od 33% knjigovodstvene vrijednosti imovine Društva po bilansu stanja na kraju prethodne godine, na prijedlog Uprave i Nadzornog odbora,
 - 11. Odlučuje o izboru i razrješavanju članova Nadzornog odbora pojedinačno,
 - 12. Odlučuje o naknadama članovima Nadzornog odbora,
 - 13. Utvrđuje razvojnu i poslovnu politiku javnog preduzeća,
 - 14. Donosi Poslovnik o svome radu, koji sadrži operativne i funkcionalne aspekte rada,

15. Odlučuje o imenovanju zastupnika Društva kada su tužilac Nadzorni odbor i Direktor u postupku za pobijanje i poništenje odluke Skupštine javnog preduzeća,
16. Donosi dugoročni plan razvoja, trogodišnji plan poslovanja i revidirani plan poslovanja
17. Razmatra izvještaje Nadzornog odbora i vanjskog revizora,
18. Odlučuje i o drugim pitanjima bitnim za poslovanje javnog preduzeća, u skladu s zakonom i ovim Statutom.

Član 11.

(Nadzorni odbor)

- (1) Nadzorni odbor javnog preduzeća čine tri člana, koje imenuje i razrješava Skupština javnog preduzeća.
- (2) Postupak izbora i imenovanja članova Nadzornog odbora provodi se na osnovu javnog konkursa objavljenog u Službenim novinama Federacije BiH i jednom dnevnom listu dostupnom široj javnosti, a u skladu sa Zakonom o ministarskim, vladinim i drugim imenovanjima FBiH (Službene novine FBiH brojevi 12/03, 34/03 i 65/13) i Zakona o javnim preduzećima Federacije BiH (Službene novine FBiH brojevi 8/05, 81/08, 22/09 i 109/12).
- (3) Za člana Nadzornog odbora ne može biti imenovan Direktor javnog preduzeća.
- (4) Predsjednik ili član Nadzornog odbora ne mogu istovremeno biti predsjednik ili član nadzornog ili upravnog odbora drugog javnog preduzeća.

Član 12.

(Nadležnost Nadzornog odbora)

- (1) Nadzorni odbor Javnog preduzeća nadležan je da:
 - Usvaja izvještaj uprave o godišnjem i polugodišnjem obračunu sa bilansom stanja i bilansom uspjeha i izvještaje revizije
 - Podnosi Skupštini godišnji izvještaj o poslovanju javnog preduzeća koji obavezno uključuje finansijski izvještaj i izvještaje revizora, Nadzornog odbora i Odbora za reviziju
 - Bira predsjednika Nadzornog odbora
 - Priprema poslovnike i predlaže Skupštini
 - Priprema Etički kodeks i predlaže Skupštini
 - Vršiti izbor kandidata odbora za reviziju i podnosi prijedlog za njegovo imenovanje skupštini

- Imenuje i razrješava Direktora u skladu sa postupcima utvrđenim u poslovniku odnosno poslovnica te važećim propisima
 - Donosi odluke o izboru i imenovanju, razrješenu direktora i predlaže kandidate za reviziju,
 - Donosi odluke o usvajanju planova razvoja i poslovanja,
 - Donosi Finansijski plan,
 - Donosi Odluke o investicionim ulaganjima,
 - Donosi Pravilnik o radu javnog preduzeća, sa odredbama o plaćama i unutrašnjoj organizaciji i sistematizaciji radnih mjesta u javnom preduzeću,
 - Donosi Pravilnik o zaštiti na radu,
 - Donosi Program mjera zaštite na radu,
 - Donosi Program obuke zaposlenika iz zaštite na radu,
 - Donosi Pravilnik o zaštiti od požara,
 - Usvaja izvještaj o poslovanju javnog preduzeća,
 - Donosi ostale pravilnike i normativne akte javnog preduzeća,
 - Odlučuje o svim pitanjima iz registrirane djelatnosti radi kojih je javno preduzeće osnovano ako zakonom nije određeno da o određenim pitanjima odlučuje drugi organ javnog preduzeća,
 - Donosi Odluke kojim se pojedinačno rješavaju pitanja iz režima poslovanja javnog preduzeća i radno-pravnih odnosa u drugom stepenu,
 - Usmjerava, i ocjenjuje rad Direktora,
 - Rješava sva pitanja odnosa sa osnivačem i odgovara Osnivaču za rad javnog preduzeća,
 - Odgovara Osnivaču za rezultate rada javnog preduzeća,
 - Vršiti i druge poslove utvrđene Zakonom, Statutom i drugim normativnim aktima javnog preduzeća.
- (2) Posebnim aktom Osnivača će biti uređeno za koje odluke će Nadzornom odboru biti potrebna saglasnost Osnivača.

Član 13.

(Organ rukovođenja - Direktor)

- (1) Rukovođenje javnim preduzećem vrši Direktor.
- (2) Direktor javnog preduzeća je lice ovlašteno za zastupanje i predstavljanje preduzeća u okviru registrovane djelatnosti preduzeća – bez ograničenja ovlaštenja.
- (3) Mandat direktora traje 4 godine, a po isteku mandata isto lice može biti ponovno imenovano na ovu dužnost.

Član 14.

(Uslovi za imenovanje Direktora)

- (1) Za direktora može biti izabrano i imenovano lice koje pored općih zakonskih uslova, ispunjava i posebne uslove, i to:
- Da ima visoku stručnu spremu i stručno zvanje doktor veterinarske medicine/diplomirani veterinar, ili diplomu stečenu nakon II ciklusa studija veterinarskog fakulteta vrednovanu sa najmanje 300 ECTS bodova.
 - Da ima najmanje 5 godina radnog iskustva i položen stručni ispit,
 - Da ima naročite sposobnosti i znanja u oblasti upravljanja i poslovanja javnog preduzeća.

Član 15.

(Imenovanje Direktora)

- (1) Direktora javnog preduzeća imenuje i razrješava Nadzorni odbor, na osnovu javnog konkursa iz reda kandidata koji po menadžerskim znanjima i iskustvu najbolje odgovaraju za izvršenje operativnih i poslovnih potreba javnog preduzeća i isti ne mogu biti lica koja obavljaju funkciju u političkim strankama.

Član 16.

(Nadležnosti Direktora)

- (1) Direktor javnog preduzeća organizuje i rukovodi radom preduzeća, vodi poslovanje preduzeća, donosi odluke i zastupa preduzeće u okviru registrirane djelatnosti i granica utvrđenih Statutom, odgovoran je za zakonitost rada preduzeća.
- (2) U ostvarivanju prava i obaveza Direktor javnog preduzeća:
- Vodi poslovanje i donosi poslovne odluke,
 - Predlaže osnove programske ciljeve i poslovne politike i preduzima mjere za njihovo sprovođenje,
 - Predlaže organizaciju javnog preduzeća,
 - Izvršava i organizuje sprovođenje odluka Nadzornog odbora,
 - Odlučuje o zapošljavanju i prestanku radnog odnosa radnika u skladu sa pozitivnim zakonskim propisima.
 - Podnosi Nadzornom odboru izvještaj radu sa finansijskim rezultatima poslovanja,
 - Preduzima mjere u oblasti bezbjednosti i sigurnosti, zaštite na radu, zaštite i unapređenja životne okoline u skladu sa Zakonom i općim aktima,
 - Podnosi izvještaj o poslovanju i godišnji obračun,
 - Donosi odluke za izvršenje finansijskog plana,
 - Odlučuje o pravima, obavezama i odgovornostima radnika prvom stepenu, u skladu sa Zakonom i internim aktima preduzeća,

- Obrazuje radne grupe, komisije i savjetodavna tijela za razradu određenih pitanja iz svog djelokruga rada,
 - Donosi pojedinačna akta u skladu sa općim aktima javnog preduzeća,
 - Obavlja i druge poslove i zadatke u skladu sa zakonom, Statutom i drugim općim aktima.
- (3) Direktor javnog preduzeća je samostalan vršenju svojih ovlaštenja, a za svoj rad odgovara Nadzornom odboru javnog preduzeća i Osnivaču.
- (4) U okviru svog djelokruga rada Direktor javnog preduzeća odlučuje, donosi rješenja, uputstva, vrši raspodjelu poslova i izdaje naloge i smjernice za izvršavanje poslova i zadataka.
- (5) Za razmatranje, zauzimanje stavova i mišljenja radi izrade određenih studija, analiza, elaborata, programskih i drugih projekata pitanjima iz rada i poslovanja preduzeća, Direktor javnog preduzeća može organizovati radne grupe – komisije.

Član 17.

(Odbor za reviziju)

- (1) Odbor za reviziju ima tri člana.
- (2) Nadzorni odbor je odgovoran da predloži Skupštini sastav Odbora za reviziju, nakon izbora kandidata većinom glasova na osnovu javnog konkursa s tim da odabere lica koja su najkvalifikovanija za tu funkciju.
- (3) Nadzorni odbor nadzire Direktora u primjeni preporuka datih od odbora za reviziju i vanjskog revizora u utvrđenim vremenskim rokovima.
- (4) U javnim preduzećima koja zapošljavaju manje od 50 radnika formira se odbor za reviziju i angažuje nezavisni revizor koji podnosi godišnji izvještaj o izvršenoj reviziji na internetskoj stranici javnog preduzeća, odnosno zvaničnoj web stranici Općine Breza.

Član 18.

(Nadležnosti Odbora za reviziju)

- (1) Odbor za reviziju dužan je:
- Imenovati vanjskog revizora
 - Izvršiti reviziju polugodišnjeg i godišnjeg obračuna i istovremeno kontrolu usklađenosti poslovanja javnog preduzeća i funkcionisanja organa javnog preduzeća sa Zakonom o privrednim društvima, Zakonom o javnim preduzećima, drugim relevantnim propisima i osnovnim principima korporativnog upravljanja i o

tome dostavi izvještaj skupštini i nadzornom odboru najkasnije osam dana po okončanju revizije

- Razmotriti godišnju studiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana
- Osigurati da odjel za internu reviziju izvrši svoj posao u skladu sa planom revizije
- Osigurati da interne kontrole u javnom preduzeću budu adekvatne i da funkcionišu kako je predviđeno
- Podnositi Nadzornom odboru sažete mjesečne izvještaje o svojim sastancima svakog mjeseca
- Konsultovati se sa glavnim revizorom u pogledu nezavisne revizorske organizacije ili strukovne stručne grupe koja vrši stručno unutrašnje strukovno ocjenjivanje odjela za internu reviziju svake dvije do tri godine
- Osigurati da Odjel za internu reviziju obavlja svoje obaveze u skladu sa međunarodnim revizijskim standardima

- (2) Član odbora za reviziju ovlašten je zahtijevati sazivanje sjednice skupštine i nadzornog odbora kada smatra da su ugroženi interesi javnog preduzeća, ili utvrdi nepravilnosti u radu predsjednika ili članova nadzornog odbora, direktora ili članova uprave.

VIII - Sukob interesa

Član 19.

(Povezana lica)

- (1) Povezano lice je svaki radnik javnog preduzeća, uključujući i pojedince i zastupnike koje javno preduzeće imenuje za obavljanje određenih djelatnosti, svaki član Nadzornog odbora i Odbora za reviziju, svako javno preduzeće ili pojedinac u čijem posrednom ili neposrednom vlasništvu je najmanje 10% od ukupne sume glasačkih prava javnog preduzeća.
- (2) Povezano lice dužno je izbjegavati stvarne ili očigledne sukobe interesa sa javnim preduzećem u ličnim ili profesionalnim odnosima.
- (3) Sukob interesa javlja se kada lični, odnosno profesionalni interes povezanog lica onemogućava ili eventualno može onemogućiti ili interes, ili poslovanje javnog preduzeća ili sposobnost povezanog lica da ispunjava svoje obaveze i odgovornosti.
- (4) Povezano lice dužno je omogućiti uvid upravi ili nadzornom odboru ili drugom nadzornom organu u sve transakcije ili odnose za koje povezano lice opravdano očekuje da bi mogle dovesti do stvarnog ili očiglednog sukoba interesa sa javnim preduzećem.

- (5) Javnom preduzeću, prilikom poslovanja nije dopušteno da povezanim licima nudi povoljnije uslove od onih koje nudi drugim licima koja nisu povezana sa javnim preduzećima.
- (6) U smislu odredbe prethodnog stava, slijedeća lica se smatraju povezanim licima:
- Članovi porodice povezanih lica do trećeg stepena krvnog srodstva ili tazbine, odnosno lica koja žive u domaćinstvu sa povezanim licem,
 - Pravna lica koja raspolažu glasačkim pravima u javnom preduzeću,
 - Pravna lica u kojima javno preduzeće ima najmanje 10% od ukupne sume glasačkih prava,
 - Pravna lica u kojima javno preduzeće ima najmanje 10% dionica sa pravom glasa,
 - Pravna lica u kojima je povezano lice ili članovi uže porodice, član nadzornog odbora ili uprave,
- (7) Ako bilo koje povezano lice zna ili je moralo znati da je neko drugo povezano lice djelovalo u suprotnosti sa odredbama ovog člana to povezano lice je o tome dužno odmah obavijestiti upravu i nadzorni odbor ili drugi nadzorni organ i ostale nadležne organe.
- (8) Povezanom licu nije dopušteno odavanje tajne javnog preduzeća.
- (9) U ispunjavanju svojih obaveza i odgovornosti Nadzorni odbor i Direktor dužni su podsticati na odgovorno korištenje i kontrolu imovine i resursa javnog preduzeća.
- (10) U izvršavanju svojih obaveza i odgovornosti povezana lica su dužna aktivno učestvovati u kontroli provođenja važećih zakona, pravilnika i drugih propisa u javnom preduzeću.
- (11) Ako bilo koje povezano lice dođe do saznanja o bilo kojoj informaciji za koju smatra da predstavlja dokaz o materijalnom kršenju zakona, pravilnika smjernica ili propisa koji se odnose na javno preduzeće, to povezano lice dužno je ukazati na tu informaciju nadzornom odboru, skupštini, direktoru i drugim nadležnim organima.

IX - Planovi poslovanja, sredstva za rad i odgovornost za obaveze u pravnom prometu **Član 20.**

(Planovi poslovanja, prihodi i rashodi)

- (1) Direktor javnog preduzeća odgovoran je za realizaciju plana poslovanja za javno preduzeće.

- (2) Po usvajanju plana poslovanja Nadzorni odbor će isti dostaviti glavnom revizoru, dok će Direktor javnog preduzeća plan predložiti nadležnom općinskom organu – Službi za privredu.
- (3) Plan poslovanja sadrži slijedeće:
- predviđanje prihoda i rashoda,
 - kapitalne izdatke predložene za period koji plan poslovanja obuhvata:
 - izvor finansija predloženih za kapitalne izdatke, te druge poslovne ciljeve,
 - sve zajmove čije uzimanje je planirano u periodu koji plan poslovanja obuhvata,
 - garancije čije je davanje predloženo za osiguranje tih kredita,
 - prijedloge za obrazovanje ili kupovinu novih preduzeća ili poslova (bilo u cjelini ili djelimično) ili prodaju bilo kojeg od zavisnih preduzeća (supsidijara) javnog preduzeća, te kadrovsku popunu kao i prateće rashode za ove aktivnosti,
 - prijedloge za korištenje viška prihoda za period koji obuhvata plan poslovanja,
 - predviđene finansijke izvještaje, funkcionalni i glavni budžet sa polugodišnjim analizama i budžet obrtnog kapitala.
- (4) Prihode javnog preduzeća čine ostvareni poslovni prihodi, prihodi od finansiranja i vanredni prihodi.
- (5) Rashodi obuhvataju poslovne rashode, rashode finansiranja kao i vanredne rashode.
- (6) Plan poslovanja će za period za koji je donesen predstavljati osnov poslovnih aktivnosti javnog preduzeća u pogledu onih pitanja koja sadrži.
- (7) Izuzetno, Direktor će na godišnjem nivou razmotriti plan poslovanja te u slučaju potrebe, a u skladu sa njegovim ciljevima, revidirati i usaglasiti plan poslovanja radi njegovog prilagođavanja kretanjima na komercijalnom tržištu.

Član 21.

(Rezultati poslovanja)

- (1) Na osnovu ostvarenih poslovnih rezultata preduzeća, utvrđuju se rezultati poslovanja, odnosno ostvarena dobit ili ostvareni gubitak.

Član 22.

(Poslovne knjige)

- (1) O svom radu i poslovanju javno preduzeće vodi poslovne knjige u skladu sa zakonom.
- (2) Dobit javnog preduzeća se utvrđuje u godišnjem obračunu kao pozitivan finansijski rezultat.

Član 23.

(Poslovni rezultat)

- (1) Poslovni rezultat javnog preduzeća čini ostvarena dobit ili ostvareni gubitak.
- (2) U slučaju da se prema poslovnim rezultatima na kraju poslovne godine utvrdi dobit preduzeća, ista se raspodjeljuje u skladu sa Zakonom o privrednim društvima i internim aktima preduzeća.
- (3) U slučaju da se prema poslovnim rezultatima na kraju poslovne godine utvrdi gubitak, sačinjava se prijedlog pokrića istog u skladu sa Zakonom o privrednim društvima i internim aktima preduzeća.
- (4) Nadzorni odbor sačinjava prijedlog raspodjele dobiti ili pokrića gubitka, a o ovim pitanjima odlučuje Skupština preduzeća, uz saglasnost Osnivača.

Član 24.

(Neraspoređena dobit)

- (1) Iznos neraspoređene dobiti preduzeća utvrđuje se nakon što se izmire slijedeće obaveze:
 - Obaveze za bruto plaće i naknade plaća,
 - Čiste plaće,
 - Naknade čistih plaća,
 - Doprinosi iz plaća,
 - Porezi na plaće,
 - Troškovi materijala, energije, rezervni dijelovi i inventar,
 - Troškovi usluga,
 - Sredstva amortizacije,
 - Nematerijalni troškovi,
 - Ostale zakonske i ugovorne obaveze,
 - Ostale obaveze prema trećim licima.

Član 25.

(Akti o sticanju i raspoređivanju sredstava i pokrića gubitka)

- (1) Posebnim općim aktom, u skladu sa Zakonom i Statutom bliže će se urediti sticanje i raspoređivanje sredstava društva i pokrivanje gubitka.

X - Prelazne i završne odredbe**Član 26.**

(Donošenje općih akata Javnog preduzeća)

- (1) Skupština Javnog preduzeća će najkasnije u roku od 30 dana od stupanja na snagu ove Odluke donijeti Statut Javnog preduzeća Veterinarska stanica d.o.o. Breza, usklađen u svemu sa odredbama ove Odluke.
- (2) Ostale opće akte organi Javnog preduzeća će donijeti najkasnije u roku od 30 dana od dana stupanja na snagu Statuta Javnog preduzeća, usklađene.

Član 27.

(Usklađivanje poslovanja sa zakonskim i podzakonskim aktima)

- (1) Po stupanju na snagu ove Odluke Javno preduzeće će preduzeti mjere i aktivnosti s ciljem usklađivanja poslovanja i rada sa Zakonom o veterinarstvu Federacije Bosne i Hercegovine (*Službene novine Federacije Bosne i Hercegovine broj 46/009* i Pravilnikom o uvjetima za osnivanje i obavljanje veterinarske djelatnosti i načinu dodjele područja djelovanja (*Službene novine Federacije Bosne i Hercegovine broj 5/16*).

Član 28.

(Završne odredbe)

- (1) Stupanjem na snagu ove Odluke prestaje sa važenjem Odluka o usklađivanju sa Zakonom o javnim preduzećima JP Veterinarska stanica Breza broj 01/1-02-752/06 od 27.04.2006. godine, objavljena u *Službenom glasniku Općine Breza broj 3/06*.
- (2) Ova Odluka stupa na snagu danom objavljivanja u Službenom glasniku Općine Breza.

Broj: 01/1-02-2461/17
Breza, 30.08.2017. godine

PREDSJEDAVAJUĆI:
Općinskog vijeća
Vedad Jusić,s.r

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. tačka 5. Zakona o principima lokalne samouprave („Službene novine Federacije BiH“ broj: 49/06 i 51/09), člana 17. Zakona o javnom okupljanju („Službene novine Zeničko-dobojskog kantona“, broj: 10/16) i člana 19. tačka 7. i člana 101. stav 3. Statuta Općine Breza - Prečišćeni tekst („Službeni glasnik Općine Breza“ broj: 8/09), Općinsko vijeće na sjednici održanoj dana 30.08.2017. godine, donosi:

ODLUKU
o određivanju prostora za mirno okupljanje građana bez prijave

Član 1.

Ovom Odlukom određuje se prostor za mirno okupljanje građana, bez prethodno podnesene prijave Policijskoj stanici Breza i to prostor:

- u ulici Žrtava genocida u Srebrenici, plato pijace, označen kao k.č. broj: 744/2 k.o. Breza, u površini od 3560 m², u vlasništvu i posjedu Općine Breza.

Član 2.

Osim prostora određenog u članu 1. Odluke, mirno okupljanje građana bez prijave, ne može se održavati ni na jednom drugom mjestu.

Član 3.

Pod mirnim okupljanjem građana, bez podnesene prijave, podrazumjeva se svako neorganizovano, spontano okupljanje građana bez organizatora, kao i neposredna reakcija na određeni događaj, nakon tog događaja, koji se održavaju radi izražavanja mišljenja i stavova povodom nastalog događaja.

Član 4.

Ova odluka stupa na snagu danom objavljivanja u „Službenom glasniku Općine Breza“.

Broj: 01/1-02-2463/17
Breza, 30.08.2017. godine

PREDSJEDAVAJUĆI
Općinskog vijeća
Vedad Jusić

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 14. stav 4. Zakona o eksproprijaciji („Službene novine FBiH“, broj: 70/07, 36/10, 25/12 i 34/16) i člana 19. stav 1. tačka 25. Statuta Općine Breza – Prečišćeni tekst ("Službeni glasnik Općine Breza", broj: 8/09), rješavajući po zahtjevu JP Elektroprivreda BiH d.d. Sarajevo, Zavisno društvo RMU „Breza“ d.o.o. Breza, za utvrđivanje javnog interesa za potpunu eksproprijaciju nekretnine, Općinsko vijeće Breza na sjednici održanoj dana 30.08.2017. godine, d o n o s i

ODLUKU
o utvrđivanju javnog interesa

Član 1.

UTVRĐUJE SE DA JE OD JAVNOG INTERESA eksploatacija uglja na površinskom kopu „Koritnik“, na zemljištu označenom kao:

- k.č.br. 1076/39, zv. „Oranica Zalujevica“, u površini od 2202 m², upisanog u Zemljišnoknjižni uložak broj. 1902 k.o. Breza (s.p.), vlasništvo Zaimović Tifa udova Avdije sa dijelom 1/1, koja odgovara parceli novog premjera k.č. br. 1245/2 k.o. Kamenica, a kao posjednik upisan je Zaimović (Avdo) Abdulah sa dijelom 1/1, te se u tu svrhu može pristupiti potpunoj eksproprijaciji navedenog zemljišta.

Član 2.

Određuje se da je JP Elektroprivreda BiH d.d. Sarajevo, Zavisno društvo RMU „Breza“ d.o.o. Breza, korisnik eksproprijacije zemljišta iz člana 1. ove Odluke.

Član 3.

Nadležni organ uprave može provesti postupak eksproprijacije zemljišta u svrhu površinske eksploatacije uglja.

Član 4.

Protiv ove Odluke može se pokrenuti upravni spor, podnošenjem tužbe Kantonalnom sudu Zenica u roku od 30 dana od dana dostavljanja ove Odluke.

Tužba se podnosi neposredno nadležnom sudu.

Član 5.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-2464/17
Breza, 30.08.2017. godine

PREDSJEDAVAJUĆI:
Općinskog vijeća
Vedad Jusić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-2465/17
Breza, 28.08.2017.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Izvještaja o izvršenju Budžeta Općine Breza za period 01.01.2017 do 30.06.2017 .godine, Općinsko vijeće Breza na sjednici održanoj dana 28.08.2017.godine, d o n o s i

ZAKLJUČAK

I

Da se definiše rok u kojem bi Služba za finansije, inspekcijske poslove i opću upravu kontaktirala pravna i fizička lica kojima nisu izmirene dospjele obaveze, da se dogovori dinamika otplate dugovanja u skladu sa mogućnosti Općine, čime bi se izbjeglo plaćanje eventualnih sudskih troškova i zateznih kamata. Da Služba za finansije, inspekcijske poslove i opću upravu u razumnom roku dostavi plan pokrića deficita uz odobrenje načelnika Općine Breza i saglasnosti Općinskog vijeća. Praćenje izvršenja plana raditi na mjesečnom nivou.

II

Da se u najkaćem roku saćini plan mjera kojim bi se zadržali iznosi bruto plata u budžetskim okvirima odnosno što prije provesti planirane mjere zbrinjavanja viška radnika da ne bi ove stavke budžeta prouzrokovale neravnotežu budžeta.

III

Za stavke budžeta koje su već premašile planirane okvire(a po svom iznosu su materijalno znaćajne) potrebno je uraditi detaljnu analizu i procjenu opravdanosti utroška.

IV

Obzirom da je kraj III kvartala osnova za izradu budžeta za narednu godinu , ukoliko nema drugog načina, krajem mjeseca oktobra 2017, godine uraditi rebalans budžeta za 2017.godinu da bi se u novu godinu ušlo sa što je moguće realnijim planiranjem.

V

Za realizaciju zaključkazadužuje se Služba za finansije, inspekcijeke poslove i opću i Općinski načelnik.

VI

Zaključak objaviti u „Službenom glasniku Općine Breza“.

Dostavljeno:

1x Služba za finan.inspek.posl. i opću upr.

1x Općinski načelnik,

1x 01/1,

1x a/a.

PREDSJEDAVAJUĆI

Općinskog vijeća

Jusić Vedad,s.r.

Bosna i Hercegovina
Federacija Bosne i Hercegovine
Zenićko-dobojski kanton
OPĆINA BREZA
Općinsko vijeće

Broj: 01/1-02-2553/17
Breza, 28.08.2017.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – Prećišćeni tekst) prilikom razmatranja Finansijskog plana Općinseke izborne komisije Breza za 2018 godine, Općinsko vijeće Breza na sjednici održanoj dana 28.08.2017.godine, d o n o s i

ZAKLJUČAK**I**

DAJE SE SAGLASNOST na finansijski plan Općinske izborne komisije Breza za 2018 godinu.

II

Sastavni dio ovog zaključka je Finansijski plan Općinske izborne komisije Breza za 2018 .godinu.

III

Zaključak objaviti u „Službenom glasniku Općine Breza“.

DOSTAVLJENO

1x Općinska izborna komisija
1x Centralna izborna komisija BiH
1x 01/1,
1x a/a.

PREDSJEDAVALAČI

Općinskog vijeća
Jusić Vedad,s.r.

Bosna i Hercegovina
Federacija Bosne i Hercegovine
Zeničko-dobojski kanton
Općina Breza
Općinska izborna komisija

Broj:01-03-06/17
Breza, 22.08.2017. godine

Na osnovu člana 1.2a tačka 3. i člana 2.13. Izbornog zakona Bosne i Hercegovine („Službeni glasnik BiH“), br. 23/01, 7/02, 9/02, 20/02, 25/02, 52/04, 25/05, 52/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16), izborna komisija 117A-Breza, na sjednici održanoj 22.08. 2017.godine donijela je:

**FINANSIJSKI PLAN OPĆINSKE IZBORNE KOMISIJE OPĆINE BREZA
ZA 2018.GODINU**

1. Naknade i materijalni troškovi izborne komisije

1.1. Naknada za rad predsjednika izborne komisije	3.900,00 KM
1.2. Naknada za rad članova izborne komisije (Utvrdjena Odlukom o visini naknade za rad članova izborne Komisije osnovne izborne jedinice BiH, „Službeni glasnik BiH br. 32/2016“)	7.800,00KM
1.3. Dnevnice za prisustvovanje obaveznim edukacijama koje organizuje Centralna izborna komisija BiH	0,00 KM
1.4. Troškovi goriva za rad na terenu i troškovi goriva za potrebe predsjednika biračkih odbora	200,00 KM
1.5. Troškovi skladištenja izbornog materijala	0,00 KM
1.6. Nabavka neophodne opreme:	
1.6.1.Računar 1 komad, toner 4 komada i printer 1 komad	2.000,00 KM
1.6.2.Kancelarijski materijal	200,00 KM

Ukupno: 14.070,00 KM

2. Naknade i materijalni troškovi biračkih odbora (obezbijedit će se u budžetima viših nivoa vlasti u BiH).

3. Uređivanje biračkih mjesta:

- Stolovi, klupe (5 biračkih mjesta x 4 stola)
(20 garnitura x 189,00=3.780,00 KM)
- Dimenzije: 200 x 80; 200x25
- Krećenje biračkih mjesta=500,00KM

Ukupno: 4.280,00 KM

- | | |
|--|-----------|
| 4. Zakup privatnog prostora za lokacije biračkih mjesta | 700,00 KM |
| 5. Zakup prostora za održavanje obuke | 0,00 KM |
| 6. Troškovi informisanja | |
| 6.1.Štampanje plakata o lokaciji biračkih mjesta | 100,00 KM |
| 6.2.Radio oglašavanje o procesu izlaganja privrenih
biračkih spiskova, određivanje biračke opcije raseljenih lica | 150,00 KM |
| 6.3.Potrebe oglašavanja izborne komisije putem javnih medija
(radio, televizija, štampani mediji) | 150,00 KM |

Ukupno: 400,00KM

- | | |
|---|------------|
| 7. Naknada povremeno angažovanim izvršiocima
(poslovi primopredaje izbornog materijala, stručna lica koja
pružaju ispomoc izbornoj komisiji za izvršenje izbornih aktivnosti) | 3.480,00KM |
|---|------------|

- | | |
|--|-----------|
| 8. Nepredviđeni troškovi u visini od 3% od ukupno planiranih sredstava | 688,00 KM |
|--|-----------|

Za adekvatnu blagovremenu pripremu Općih izbora koji će se održati 2018. godine potrebno je u budžetu Općine Breza planirati novčana sredstva u iznosu od:

Ukupno: 23.648,00 KM

Na osnovu iskazanih potreba za provođenje izbora potrebno je da Općinsko vijeće da saglasnost na ovaj finansijski plan kako bi Općinski načelnik prilikom izrade budžeta Općine Breza za 2018. godinu mogao planirati budžetsku stavku Izbori 2018. u naprijed navedenom iznosu.

DOSTAVLJENO:

- 1x Općinskom vijeću
- 1x CIK BiH
- 1X Općinski načelnik
- 1x Arhiva

**PREDSJEDNIK OPĆINSKE
IZBORNE KOMISIJE
Safet Zahirović, s.r.**

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Bosna i Hercegovina

Broj: 01/1-02-2461/17
Breza, 28.08.2017.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Odluke o usklađivanju osnivačkog akta javnog preduzeća Veterinarska stanica d.o.o. Breza, Općinsko vijeće Breza na sjednici održanoj dana 28.08.2017.godine, d o n o s i

ZAKLJUČAK

I

Da se član 5. tačka 2. Odluke o usklađivanju osnivačkog akta javnog preduzeća Veterinarska stanica d.o.o. Breza, dopuni „ iznos osnovnog kapitala društva, iznos uloga u novcu, opis i vrijednost uloga u stvarima i pravima.

II

Za realizaciju zaključka zadužuje se Službaza privredu i Stručna služba Općinskog vijeća.

III

Zaključak objaviti u „Službenom glasniku Općine Breza“.

DOSTAVLJENO

1x Stručna služba Općinskog vijeća.
1x Služba za privredu,
1x 01/1,
1x a/a.

PREDSJEDAVAJUĆI

Općinskog vijeća
Jusić Vedad.s,r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-2465/17
Breza, 28.08.2017.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Izvještaja o izvršenju Budžeta Općine Breza za period 01.01.2017 do 30.06.2017.godine, Općinsko vijeće Breza na sjednici održanoj dana 28.08.2017.godine, d o n o s i

ZAKLJUČAK**I**

USVAJA SE Izvještaj o izvršenju Budžeta Općine Breza za period 01.01.2017 do 30.06.2017.godine.

II

Zaključak objaviti u „Službenom glasniku Općine Breza“.

Dostavljeno:

1x Služba za finan.inspek.posl. i opću upr.

1x Općinski načelnik,

1x 01/1,

1x a/a.

PREDSJEDAVAJUĆI

Općinskog vijeća

Jusić Vedad,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-834/17
Breza, 28.08.2017.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj 8/09 - Prečišćeni tekst) i člana 18. Odluke o raspisivanju i održavanju izbora za članove savjeta mjesnih zajednica na području Općine Breza („Službeni glasnik Općine Breza“, broj 2/17 i 04/17), prilikom razmatranja Izvještaja o ponovljenim aktivnostima izbora za članove savjeta mjesnih zajednica Prhinje i Založje i Prhinje, Općinsko vijeće Breza na sjednici održanoj dana 28.08.2017. godine, d o n o s i

ZAKLJUČAK**I**

DAJE SE SAGLASNOST na Izvještaj o ponovljenim aktivnostima izbora za članove Savjeta mjesnih zajednica Prhinje i Založje.

- Prihvata se odluka Zbora naseljenog mjesta Založje da se izborni rezultati izbora održanih 01.07.2017 godine prihvate.

- Potvrđuju se izborni rezultati ponovljenih izbora za članove Savjeza M.Z Prhinje održanih 27.8.2017 godine.

II

Za implementaciju izbornih rezultata zadužuje se Služba za privredu.

III

Zaključak objaviti u u Službenom glasniku Općine Breza.

DOSTAVLJENO:

1x Predsjednik Mjesnih zajednice Prehinje
i podružnice Založje.
1x Služba za privredu,
1x 01/1,
1x Arhiva.

PREDSJEDAVAJUĆI

Općinskog vijeća
Jusić Vedad,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2467/17
Breza, 28.08.2017.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Analize pokrenutih inicijativa u periodu od 01.01.2017 do 30.06.2017.godine, Općinsko vijeće Breza na sjednici održanoj dana 28.08.2017.godine, d o n o s i

Z A K L J U Č A K**I**

Da se vijećničke inicijative pokrenute od strane vijećnika na sjednicama Općinskog vijeća razmatraju na narednom sastanku kolegija Općinskog vijeća te da kolegij zauzme stav po istim.

II

Za realizaciju zaključka zadužuje se predsjedavajući Općinskog vijeća i Stručna služba.

III

Zaključak objaviti u „Službenom glasniku Općine Breza“.

DOSTAVLJENO

1x Stručna služba Općinskog vijeća.
1x Općinski načelnik,
1x 01/1,
1x a/a.

PREDSJEDAVAJUĆI

Općinskog vijeća
Jusić Vedad,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/2-05-2478/17
Breza, 28.08.2017. godine

Na osnovu člana 1., 12. i 13. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03, 34/03 i 65/13) i člana 19. i 115. Statuta Općine Breza („Službeni glasnik Općine Breza“, broj 08/09 – Prečišćeni tekst), na prijedlog Općinskog načelnika, Općinsko vijeće Breza na sjednici održanoj dana 28.08.2017.godine, d o n o s i:

R J E Š E N J E
o razrješenju člana Upravnog odbora Javne ustanove
Centar za socijalni rad Breza

I

Razrješava se dužnosti član Upravnog odbora Javne ustanove Centar za socijalni rad Breza Opačin Zahida, imenovana rješenjem Općinskog vijeća broj: 01/1-02-1770/17 od 28.06.2017.godine „Službeni glasnik Općine Breza“, broj 6/2017.

II

Razrješenje člana Upravnog odbora JU Centar za socijalni rad Breza izvršeno je zbog podnošenja ostavke od 14.08.2017.godine.

III

Ovo Rješenje stupa na snagu danom donošenja i objavit će se u „Službenom glasniku Općine Breza“.

Dostavljeno:
1x Opačin Zahida,
1x Upravni odbor JU Centar za socijalni rad Breza,
1x Centar za socijalni rad Breza,
1x 01/1,
1x a/a.

PREDSJEDAVAJUĆI
Općinskog vijeća
Vedad Jusić, s.r.

S A D R Ź A J

- 226 . Odluka o izmjeni odluke o pokretanju procesa strateškog planiranja-pristupanje izradi Strategije razvoja Općine Breza.
- 227. Odluka o usklađivanju osnivačkog akta Javnog preduzeća Veterinarska stanica d.o.o. Breza.
- 242. Odluka o utvrđivanju prostora za mirno okupljanje građana bez prijave.
- 242. Odluka o utvrđivanju javnog interesa za dalju eksploataciju uglja na površinskom kopu Koritnik k. č br. 1076/39 zv. „Oranica Zalujevica“ u površini od 2202 m2 (za potrebe RMU Breza).
- 243. Zaključak o smjernicama za izvršenje Budžeta Općine Breza za II kvartal 2017.g
- 244. Zaključak o davanju saglasnosti na Finansijski plan Općinske izborne komisije za za 2017.godinu.
- 245. Finansijski plan Općinske izborne komisije općine Breza za 2018.godinu.
- 247. Zaključak o usklađivanju osnivačkog akta javnog preduzeća Veterinarska stanica d.o.o. Breza.
- 248. Zaključak o usvajanju Izvještaja o izvršenju budžeta Općine Breza za period 01.01.2017.- 31.06.2017. godine.
- 248. Zaključak o davanju saglasnosti na izvještaj o ponovljenim aktivnostima izbora za članove savjeta mjesnih zajednica Prhinje i Založje.
- 249. Zaključak o razmatranju vijećničkih inicijativa na sjednicama kolegijama Općinskog vijeća.
- 250. Rješenje o razrješenju člana upravnog odbora Javne ustanove Centra za socijalni rad Breza.